

Noct Atticar. cap. i. Timæus in Historijs, & M. Terentius Varro in Antiquit. *Lucanæ Armenta* maximā & validissima olim ibidem fuisse, testatur Lucilius:

*Quem neque Lucanis oriundi montibus, tauri*

*Ducere protelo validis cervicibus possent.*

Nutrit Italia præter alias Aves, Aquilas, Vultureſque, carnivoras & rapaces volucres, historijs Romanorum Veterum etiam nobilitatas. Infinita hic, ne prolixior ſim, præteriens, ad Imperium Majorum venio. Gubernationis & Imperij, ſub quo vetuſtiſſimi fuerunt *Italiae terra* habitatores, non magna ſunt apud antiquos Scriptores Documenta, neque Notæ admodum indubitatae. Multa quidem eaſque ſpecioſa Annii Viterbienſis comminſcitur de *Comero*, primo in Regionem hanc advena, de *Chamo, Iano, Sabatio, Saga, Crano, Auruno, Malote, Tage, Oſiride, Hercule, ruſco, Alteo, Ritim, Italo, Morgete, Roma, Romanefſo, Iaſio*, & alijs: Sed horum apud probatos Historicos nullum eſt veſtigium. Variorum autem, cum Græcorum, tum Latinorum, præcipue Dionyſij Halicarnafſei, Pompei Trogi, Solim Polyhiſtoris, & aliorum Monumentis diligenter perluftratis, diſcimus multis ante conditam Urbem Ætatibus, varia in Italia populorum, cum primis Siculorum, Aboriginum, Ligurum, Vmbroꝝ Etracoꝝ vigiſſe Imperia: quæ cum ævo ſeneſcente vel in Romanorum ditionem, vel ad nihilum redacta, certis gradibus.

Initio *Roma* gubernata eſt a Regibus annos cclxlv, teſte Dionyſio & Livio, quos in Romana hiſtoria lequi rectiſſimum eſt. Apud ipſos etiam rerum geſtarum ſeries legenda eſt, & conſiderandum, creviſſe potentiam foris militari labore & diſciplina: domi vero modeſtia & juſtitia gubernationis, & ordinum ac onerum diſtinctione. Poſtea propter tyrannidem & libidines pulſam eſſe familiam Regiam, ſicut læpiſſime cauſa mutationum in Imperijs libidines fuerunt. Regum nomina hæc ſunt, *Romulus*, qui regnavit annos xxxviii; *Numa*, qui xlii: *Tullus Hoſtilius*, qui xxxi: *Ancus Martius*, qui annos xxiv, *Tarquinius Priſcus*, qui annos xxxvii, *Servius Tullius*, qui xlii, *Tarquinius Superbus*, qui xv. Hic expulſus eſt Regno propter Filij ſcelus, qui *Lucretiam* per vim compreſſerat. Pulſis autem Regibus partaque libertate annua Imperia facta, ac bini Conſules creati ſunt. Horum primus *L. Junius Brutus*, cui ſuſſectus eſt *Sp. Lucretius Tricipitinus*, atque huic *M. Horatius Pulvillius*. Manſit autem Italia in Conſulum, libera Republica: inque Principum Romanorum, eadem oppreſſa, poteſtate, uſque ad *Imp. Caſarem Fl. Momyllum Auguſtulum*: quem quum abdicare juſſiſſet *Odoacer Herulus* Gothorum Rex, nobiliſſimam Regionem in ſuam redegit poteſtatem, caſusque *Theodorico*, ipſiusque Succeſſoribus poſſidendam reliquit. Faſtos Conſulum Romanorum, & Imperatorum, adponere non eſt neceſſe, quum in omnium manibus ſint. Qua autem fuerit forma primæ gubernationis Regiæ, quæ incrementa, quæ Legum & Magiſtratum mutationes, quanta fuerit Romanorum virtus, quæ bella, quam varii motus domeſtici, donec *Roma* Monarchiam Orbis Terrarum adepta eſt: ac deinde quomodo luxu, bellis Civilibus, & fatali Orbis mutatione ruſus amiſerit & virtutem & Imperium, ex integris historijs cognoscendum